

各員據實陳明有無嗜好並令取具保結以備咨送內有學習筆帖式文魁一員未經取有保結應行照章送驗茲准禁煙大臣文稱該員並未遵照定期到所候驗查定章凡臨調規避即照章叅辦該員既臨調不到即屬有意規避咨行禮部查照即將學習筆帖式文魁奏叅革職永不叙用等因前來相應請旨將臣部學習筆帖式文魁照章革職永不叙用以示懲儆伏乞

皇上聖鑒謹奏宣統二年十二月二十五日奉旨依議欽此

直隸總督陳奏委檢討唐寶鐸等赴憲政編查館改訂官制片

再臣欽奉 上諭現在釐訂外省官制著派錫良陳夔龍張人駿瑞澂會同憲政編查館王大臣悉心叅酌等因欽此自應欽遵查照惟查改訂外省官制事務繁重亟應遴派明白通達之員前赴憲政編查館稟陳接洽以期隨時電商查有前翰林院檢討唐寶鐸直隸補用道汪士元直隸存記道沈銘昌堪以派委除分別飭遵并咨憲政編查館查照外理合附片具陳伏乞 聖鑒謹奏宣統三年正月十九日奉 硃批憲政編查館知道欽此

直隸總督陳奏京員劉榮第等辦學請免扣資俸片

再查奏定章程內載辦理學堂凡總理監督及總分教習各差均准調用京外人員相助為理免扣資俸等語茲查有玉田縣勸學所總董度支部小京官劉榮第北洋女師範學堂教員兼北洋法政學堂教員學部小京官李家桐保定府中學堂教員內閣中書王文彬學部司務楊鳳祥禮部司務陳之楨定州中學堂監督師範科舉人禮部補用司務李鳴鐸趙州中學堂教員禮部司務張友琴等七員自到差以來或董理有方或教授得力未便遽易生手據提學使傅增湘詳請奏留並免扣資俸等情前來臣覆核無異合無仰懇 天恩俯准將度支部小京官劉榮第學部小京官李家桐內閣中書王文彬學部司務楊鳳祥禮部司務陳之楨李鳴鐸張友琴等七員留直仍充原差免扣資俸出自 鴻慈除分咨外理合附片具陳伏乞 聖鑒訓示謹奏宣統三年正月十九日奉 硃批學部議奏欽此

庫倫辦事大臣三多奏報金礦官稅收數並遵部電截留練兵摺

奏為具報金礦官稅收數並遵部電截留練兵恭摺仰祈 聖鑒事竊查庫屬各金礦應繳官稅及蒙旗津貼照